


# Niko na tromal te đanel sar tu ka glasine

Ki Švedska tano o glasibe slobodno, tajno hem direktno. Ko tajno mislini pe so tu na valjani nikase te mothove kase hem sar glasijan. Niko na tromal te mešini pe ko odova, sar tu ka glasine.




## Korkori keda leja tli biribaskiri lista

E biribaskere listija tane palo jek biribaskoro učhardo than, ki te šaj te le tli biribaskiri lista bizo te šaj javera te dikhen odova. **Tu ka ove korkori keda ka le tli biribaskiri lista.**



## Korkori palo biribaskoro učhardo than

Keda ka le tli biribaskiri lista tegani ka kere tlo glasibe. **Tegani tu ka ove korkori palo biribaskoro učhardo than.**



## Niko našti te đanel sar tu glasijan

Keda uljan gotovo, o manuša so čerena othe buti ka dikhen te glasibasere ljila te oven ko sigurno. Keda ka račuinen pe sa o glasija, niko našti te đanel sar baš tu glasijan.

Te isi tut jek funkciniribaskoro čhinavibe ja pale javera disave pharipa kova so kerela te ovel tut potreba bašo pomoč te šaj te le tli biribaskiri lista ja pale te kere tlo glasibe, samo tegani šaj te le tuja džikas palo učhardo than.

**Isi tut li disavo pučibe?**

Kontaktirin e komuna ja da ko internet than [www.val.se](http://www.val.se)